

按

粵

疏

稿

議調縣正疏

題爲劇邑正官員缺懇

賜就近調補以興吏治事據廣東布政司經歷司呈
奉本司劄付開稱蒙臣牌照得歸善縣知縣經
邦猷朝

覲回任病故于途新興縣知縣蔣時馨近該總督會
疏論劾第此二縣俱屬衝繁後官必須得人庶
於治理有濟相應查議以便就近調補備牌行
司卽於見任知縣內采訪輿論無拘本道隔道

酌定堪調官二員具由通詳以憑會議

題補等因并奉總督兩廣軍務都察院右都御史

兼兵部右侍郎周

憲牌亦同前因該本司

查看得歸善新興爲粵中劇邑所藉以鎮定撫
綏惟賢令是賴誠不可一日乏人者今已報缺
亟宜調補查得長寧縣知縣陳輔堯函鼎長材
絕塵清品游刃當機批導糾紛立解保嬰注念
撫循凋瘵咸蘇開建縣知縣吳士熙標儀馴雅
才致沉凝政叶烹鮮調劑競練合節心誠愛鼎

操持冰玉同清二官到任俱已兩載循良並著
一時彈丸僻壤難以展其驥足盤根錯節正可
別其利器請乞杳果人地相宜俯賜會

題將陳輔堯調補歸善吳士熙調補新興則駕輕
車以就熟路在二官得展其經濟之才朝聞

命而夕受事在地方不致有廢弛之慮似兩便也等

因到臣該臣會同總督兩廣軍務兼巡撫廣東
地方都察院右都御史兼兵部右侍郎周

議照惠之歸善肇之新興夙稱巖邑歸善附郭

而居分城而理賦繁事冗中才每詘于剖焚吏
玩民刁黯識苦難于照燭此臣巡歷駐劄之地
竊謂如該縣者得一精明正官處之不獨一邑
之福且合郡之倡也新興地廣訟煩民貧斂重
法令廢格叢神多假借之端陋規因仍墨吏恣
侵漁之孔臣嘗經過其縣見其土田衍沃人物
駢蕃未嘗不嘆蔣令之負官而思得一人以撫
綏之者頃當二縣懸缺之秋正宜爲地擇人之
日據該司酌議前來該臣等會看得惠州府長

寧知縣陳輔堯端凝偉度凜冽貞操長才綽有
經綸利器洵優盤錯肇慶府開建知縣吳上熙
提躬粹玉砥節層冰慈祥日暖窮簷明作風清
宿實任陳輔堯則見攝博羅政崇節愛人頌廉
平若以之移補歸善必能改弦易轍無叢脞廢
弛之虞在吳士熙則見攝陽江銳意撫流悉心
清賦若以之移補新興必能剔蠹釐姦有吏畏
民懷之效況其到任俱久調補鄰封以風氣則
素習矣以人情則素諳矣以上下則素孚矣以

道里則朝聞而夕至矣一舉而數善備便孰甚
焉雖歸善一邑臣等前疏議銓甲科第本省僻
邑甲科之應調者已經臣等臚列劇邑咨揭報
部聽其有缺改授而彼時該縣缺未出也今該
縣需人甚急如必拘待甲科其勢難以遽至况
陳輔堯之才試于博羅又非遜美甲科者顧其
人與地宜則爲地以請耳前疏論其理而此則
論其人亦原不相悖也伏乞

勅下吏部再加查議如果臣等所言不謬將知縣陳

輔堯調補歸善吳士熙調補新興遺下長寧開
建二縣員缺另行銓補庶劇邑治理得人地方
民生有攸賴矣緣係劇邑正官員缺懇

賜就近調補以興吏治事理未敢擅便爲此具本專
差承差鍾必聞親齎謹題請

旨奉

聖旨吏部知道

系本... 必問其後有無

則... 既而... 與東... 雖未... 其具本

又... 其... 絲... 五百員

三... 其... 金... 其... 人...

其... 其... 其... 其...

代題海道休致疏

題爲道臣患病不能供職循例代

題懇乞

俯容回籍調理事據廣東按察司巡視海道副使馬
孟禎呈稱職叨中進士歷官中外一十餘年今
備員海道竊期勉力一效涓滴仰副

皇上任使不意水土不調到任兩月飲食日減二豎
交侵日則頭眩耳鳴夜則心氣怔忡手足疼痛
延醫劉守諒診視謂心血傷損熱濕交攻非謝

事靜攝不能痊可今日甚一日隻身嶺外回首
白髮望九老親病益轉劇夫鞠躬盡瘁雖臣子
常分而病骨支離無可奈何不得不爲乞身之
計伏乞代

題俯容休致等因到臣詳批該道峻節長才正藉
表帥屬吏弘濟時艱爲嶺海造福雖數篆駢集
不無過勞然特該道經綸之餘緒耳偶爾違和
靜攝數日自可勿藥願勿以白雲之念先靡盬
之義也繳去後隨又據該道呈稱病經一旬藥

石岡效中氣日虛病症日益且濕熱重承兩足
復添浮腫隨任家人亦半在牀褥有一已登鬼
錄事勢若此乞查勘准

題俾得生入里門等情臣復詳批該道壯齡強幹
節勞暫攝濕熱自不能侵况今司道乏人兼之
陰沴爲虐所賴同心共濟拯溺救民微該道其
誰望焉慎勿輕萌歸念也繳復據該道呈稱到
任未幾一病支離兩次具文乞身歸里蒙批勉
留但職病勢益重有加無減手足俱痺方寸已

亂乞察病軀放回等情臣又批該道以微恙偶
動鄉思詳文再至本院爲地方挽留已極真懇
又有此詳情詞愈迫其如一司數篆漫無所屬
何布政司會同都司勉留以慰士民倚賴之殷
以達本院諄切之念繳去後隨據布政司經歷
司呈奉本司劄付蒙臣批據前因弁奉總督兩
廣軍門周批據該道呈同前事奉批該道
三詳情詞懇切非不相體但兼署司道數印將
誰屬乎仰布政司勉留暫攝以俟會

題况候

旨放行亦

明例所當恪遵者乎繳奉此該本司會同都司親詣該道勦留及移文知照外續准按察司牒呈准該道關稱本道履任兩月苟身病不至急危何苦磴磴速求一去而無如多症交侵日異而時不同不得不急乞此七尺軀歸見老母至於本司及各道乏人本道實心切念之然臣子必有身而後可以分猷宣力今本道病劇矣奄奄

病廢之人猶然虛握數篆空糜官廩瘵曠之謂
何敢煩轉達俾得早放一日則早得一日生還
等因到司該本司署印副使兼右叅議潘潤民
議得巡視海道副使馬孟禎卓識宏猷清標勁
節振綱飭紀嶺海之彈壓方新沛澤流膏士民
之愛戴正切值今地方多虞亟賴同心共濟無
何病勢侵尋思親轉劇屢次請乞堅欲遂其歸
心幾經慰留奈莫挽其去轍查病非假託語實
由衷請乞早與會

題准令回籍調理俟其病痊銓補等因到臣該臣
查得

會典外官在任患病務由撫按官題允查明方許
回籍欽此謹會同總督兩廣軍務兼巡撫廣東
地方都察院右都御史兼兵部右侍郎周
看得巡視海道副使馬孟禎清節裊躬長才濟
世洪深夙抱已知績奏澄清卓犖新規方異功
成綏靖督汎躬巡海上警息鯨鯢攝符人在鏡
中姦銷狐鼠視事僅踰兩月策庸已露一斑祇

緣燥濕相侵遂致陰陽爲患蓋以乍栖炎徼遇
起居失節不無懷土之思兼之遠隔高堂當疾
痛搜情益重望雲之念臣等挽留益切本官求
去彌堅病勢果增歸心應體惟是本官設施未
竟嚮用有期旣經藩司查議前來相應代爲題
請伏乞

勅下吏部再加查議合無將副使馬孟禎准令回籍
調理俟病痊之日起用庶本官感

恩圖報尚有日也再照粵中司道落落晨星該臣于